

terminus generalis est  $\frac{x}{x+1} \cdot \frac{2x}{2x+1} \cdot \frac{3x}{3x+1} \cdots \frac{mx}{mx+1}$  donec  $m$  fiat  $= x$ , quod si nusquam contingat, erunt factores numero infiniti; sic terminus respondens exponenti  $\frac{1}{2}$  fit  $\frac{1}{3} \cdot \frac{2}{4} \cdot \frac{3}{5} \cdot \frac{4}{6}$ . etc.

Seriei  $\frac{2}{3} + \frac{2 \cdot 4}{3 \cdot 5} + \frac{2 \cdot 4 \cdot 6}{3 \cdot 5 \cdot 7} + \frac{2 \cdot 4 \cdot 6 \cdot 8}{3 \cdot 5 \cdot 7 \cdot 9} +$  etc. terminus generalis est  
 $\frac{2(2n+3)}{3(2n+2)} \cdot \frac{4(2n+5)}{5(2n+4)} \cdot \frac{6(2n+7)}{7(2n+6)} \cdot \frac{8(2n+9)}{9(2n+8)} \cdot$  etc.

Seriei  $\frac{1}{2} + \frac{1 \cdot 2}{3 \cdot 4} + \frac{1 \cdot 2 \cdot 3}{4 \cdot 5 \cdot 6} + \frac{1 \cdot 2 \cdot 3 \cdot 4}{5 \cdot 6 \cdot 7 \cdot 8} +$  etc. terminus generalis est  
 $\frac{1}{2} \left( \frac{2(4n+2)}{6(n+1)} \cdot \frac{3(4n+6)}{10(n+2)} \cdot \frac{4(4n+10)}{14(n+3)} \cdot \frac{5(4n+14)}{18(n+4)} \cdot \text{etc.} \right)$

neque adeo difficile est assumere numeros quadraturam circuli exprimentes, aliunde jam cognitos et pro iisdem series concinnare, quarum terminos medios hi numeri constituant, cuius artificii mihi probe gnarus videris.

Caeterum egregias plane judico methodos, quarum specimena mecum communicasti, neque dubito quin iisdem vestigiis progrediens multa nova et praeclara in hoc genere reperturus sis; misi ego quoque nuper ad Cl. Bernoullium nostrum theorema, quo methodum summandi series ad calculum quem vocant integralem accomodavi. Vale.

Goldbach.

P. S. Notane Tibi est Fermatii observatio omnes numeros hujus formulae  $2^{2^x-1} + 1$ , nempe 3, 5, 17, etc. esse primos, quam tamen ipse fatebatur se demonstrare non posse, et post eum nemo, quod sciam, demonstravit.

## LETTRE III.

EULER à GOLDBAKH.

SOMMAIRE. Usage du calcul intégral dans la recherche des termes généraux des suites. Digression sur la théorie des logarithmes et les logarithmes hyperboliques. Sur le théorème de Fermat de la lettre précédente.

Vir Celeberrime,

Petropoli d. 8 Januar 1750.

Quae nuper de methodo mea progressionum terminos medios ex quadraturis inveniendi scripsi, ea non ope serierum infinitarum terminos illos exprimentium perficio, maxime enim arduum esse arbitror de quaque serie infinita, ad quam pertineat quadraturam, pronunciare; quanquam non negem, me primo ex serie terminum generalem progressionis  $1 + 2 + 6 + 24 +$  etc. exhibente, quam Tibi, Vir Celeberrime, perscripsi, conclusisse terminum ordine  $\frac{1}{2}$  a quadratura circuli pendere. Deinde autem eodem modo circa alias progressiones versari diffidens id meditatus sum, quomodo alia

via eodem pervenire possem, quae non seriebus dignoscendis contineantur. In aliam igitur atque novam incidi rationem progressionum terminis generalibus denotandarum. Ea in hoc consistit, ut formulas integrales in terminos generales recipiam. Ad hoc autem adductus sum considerans ad ea, quae a communi algebra perfici non possent, analysis infinitorum plerumque facilem praebere aditum. Sed termini hujusmodi generales toties consuetam induunt formam, quoties formulae illae integrales algebraice exprimi possunt, quibus in casibus progressionis omnes termini, sive exponentes sint numeri fracti, sive integri, algebraice exhibentur. Quando vero illae formulae integrationem universaliter non admittunt, omnes termini algebraice exponi nequeunt, sed quidam a quadraturis curvarum pendebunt, quae inde cognoscuntur. Cum igitur in nonnullis seriebus observassem terminos quosdam medios a quadratura circuli pendere, in earum terminis generalibus necessario formulae integrales inesse debere visae sunt. Sequenti autem modo hujusmodi formulis integralibus utor. Quando dico seriei cuiuspiam terminum generale esse  $\int P dx$ , intelligi oportet ex eo terminum quemcunque indicis  $n$  inveniri posse. Indicat vero hic  $P$  functionem quandam ex  $x$  et constantibus quantitatibus una cum  $n$  indice compositam; referto scilicet  $n$  ad constantes, ut unica variabilis  $x$  adsit. Jam  $\int P dx$  hoc modo dat terminum  $n^{\text{num}}$ . Integretur  $\int P dx$  vel reipsa, si fieri potest, vel ad quadraturam curvae convenientis referatur; tanta autem constans adjiciatur, ut totum evanescat positio  $x = 0$ . Deinde ponatur  $x = \text{constanti}$  cuiusdam quantitati (in sequentibus semper pono  $x = 1$ ), habebitur functio quaedam quantitatum constantium et indicis  $n$ , quae erit ipse terminus  $n^{\text{num}}$ . Fieri nunc potest, praecipue si  $n$  in exponentes

ingrediatur, ut positis loco  $n$  certis numeris, formula integrari possit, secus vero si alii substituantur. Quo fit, ut alii termini algebraice seu in numeris exprimi queunt, alii a quadraturis pendeant. Ut terminum generalem reperi hunc  $\frac{2n+3}{2}/dx(1-x)^n\sqrt{x}$  pregressionis istius  $\frac{2}{3} + \frac{2 \cdot 4}{3 \cdot 5} + \frac{2 \cdot 4 \cdot 6}{3 \cdot 5 \cdot 7} + \text{etc.}$  Qui quomodo congruat, ut appareat, sit  $n = 2$ , habebitur  $\frac{7}{2}/dx(1-x)^2\sqrt{x} = \frac{7}{3}x^{\frac{3}{2}} - \frac{14}{5}x^{\frac{5}{2}} + x^{\frac{7}{2}}$ ; ponatur  $x = 1$ , oriatur terminus secundus  $= \frac{7}{3} - \frac{14}{5} + 1 = \frac{8}{15}$ . Idem hic terminus generalis omnes terminos medios suppeditat, ut sit  $n = \frac{1}{2}$ , erit  $2/dx\sqrt{(x-xx)}$  terminus quaesitus. Sed  $2/dx\sqrt{(x-xx)}$  exhibit segmentum circuli, cujus sagitta est  $x$ , radio existente  $\frac{1}{2}$ , seu diametro 1. Ponatur  $x = 1$ , erit terminus ordine  $\frac{1}{2}$  aequalis areae circuli, cujus diameter = 1. Similiter alii termini medii determinantur. Hujusmodi terminos generales omnium earum progressionum, quarum mentionem feci, aliarumque infinitarum similium dare possum. Quousque autem haec methodus pateat ut possis cognoscere, Vir Celeberrime, generaliora hic adjungo. Fundamenti loco mihi fere fuit haec progressio  $1 + 1.2 + 1.2.3 + \text{etc.}$ , cuius terminus generalis mihi inventus est  $/dx(-lx)^n$ : Nimirum sumto integrali positoque  $x = 1$ , prodit terminus cuius index est  $\frac{1}{2}$ . Denotat autem  $lx$  logarithmum hyperbolicum ipsius  $x$ . Antequam vero ostendam, quomodo haec formula progressioni satisfaciat, explicabo, quod Te non satis perspicere innuis, quo differant logarithmi hyperbolici ab ordinariis. Si constituatur progressio geometrica

$$A \ldots 1, \quad a, \quad a^2, \quad a^3, \quad a^4, \quad a^5, \quad \text{etc.}$$

eique subscribatur arithmeticā

$$B \ldots b, \quad b+c, \quad b+2c, \quad b+3c, \quad b+4c, \quad b+5c, \quad \text{etc.}$$

habebit quilibet terminus progressionis  $A$  sive eorum qui ad-  
sunt, sive interpolatorum respondentem in progressionē  $B$ .  
Hi termini progressionis  $B$  respondentium terminorum in  
progressione  $A$  vocantur logarithmi. Jam cum innumerabiles  
progressiones arithmeticāe subscribi possint, perspicuum est  
innumerabilia dari systemata logarithmorū. In vulgari sys-  
temate, quorum tabulae a Briggio et Vlacquio computatae  
habentur, loco seriei geometricāe  $A$  posuerunt 1, 10, 100, 1000  
etc. et loco arithmeticāe sumserunt hanc 0, 1, 2, 3, 4 etc.  
ita ut logarithmus unitatis sit 0, denarii 1 etc. Ex hoc in-  
telligitur, ad systema quodpiam logarithmorū condendum,  
duorum quorundam numerorum logarithmos pro lubitu ac-  
cipi posse, e quibus deinde omnium numerorum logarithmi  
determinantur. Ita in systemate logarithmorū hyperbolicorum  
etiam pro logarithmo unitatis ponitur 0, et pro numero qui  
unitatem quantitate infinite parva superat, ut  $1 + dz$  assu-  
mitur logarithmus hoc ipsum  $dz$ . Vel series  $A$  est

$$1, (1+dz), (1+dz)^2, (1+dz)^3 \text{ etc.}$$

et series  $B$  logarithmos continens est

$$0, \quad dz, \quad 2dz, \quad 3dz \quad \text{etc.}$$

Logarithmi ex hac positione deducti sunt ii qui vocantur  
hyperbolici, eo quod iidem sint, ac illi qui ex quadratura  
hyperbolae eruuntur. In hoc systemate est logarithmus binarii  
0,693147180559945 et logarithmus denarii est  
2,302585092994045 ut ipse calculo aliquoties repetito inveni.  
Sin autem acciderit, ut logarithmis hyperbolicis uti oporteat,

non quidem necesse est tabulam eorum ad manus habere,  
sed Vlacquiani in usum vocari possunt dummodo singuli  
logarithmi per 2,302585 etc. multiplicentur. Semper autem,  
quando in calculo infinitesimali de logarithmis sermo est,  
hyperbolici intelliguntur. Et hanc ob rem in termino gene-  
rali  $\int dx (-lx)^n$ ,  $l$  designat logarithmum hyperbolicum. Ut  
nunc appareat, quomodo haec formula quemvis terminum  
praebeat, sit  $n = 3$ , habebitur  $\int dx (-lx)^3 = -x(lx)^3$   
 $+ 3x(lx)^2 - 6x lx + 6x$ ; constantis additione opus non  
est. Ponatur ergo  $x = 1$ : proveniet terminus tertius = 6.  
Omnes enim termini in quibus est  $lx$  evanescunt, quia  $l \cdot 1 = 0$ .  
Simili modo omnes termini numeros integros habentes eruun-  
tur. Sed qui valor sit eorum, quorum indices sunt numeri  
fracti, id difficilius eruitur. Deducit enim ad quadraturas  
curvarum transcendentium, ut terminus ordine  $\frac{1}{2}$  determina-  
tur a quadratura curvae, ad quam est  $yy + lx = 0$ , cum  
tamen eundem ante a quadratura circuli pendere deprehen-  
derim. Verum tamen alia mihi insuper est methodus eosdem  
terminos ad curvarum algebraicarum quadraturas reducendi,  
quae hoc theoremate continentur: Terminus, cuius index est  
 $p:q$ , aequalis est

$$\sqrt[p]{(1 \cdot 2 \cdot 3 \cdots p) \left[ \left(\frac{2p}{q} + 1\right) \left(\frac{3p}{q} + 1\right) \left(\frac{4p}{q} + 1\right) \cdots \left(\frac{qp}{q} + 1\right) \right]}.$$

$$\left[ \left( \int dx (x - xx)^{\frac{p}{q}} \right) \left( \int dx (xx - x^5)^{\frac{p}{q}} \right) \cdots \left( \int dx (x^{q-1} - x^q)^{\frac{p}{q}} \right) \right]$$

quae expressio aequivalet huic  $\int dx (-lx)^{\frac{p}{q}}$ . Ponatur ex. gr.  
 $p = 1$  et  $q = 2$  ut terminus ordine  $\frac{1}{2}$  inveniatur, abibit for-  
ma generalis in  $\sqrt[2]{1 \cdot 2 \int dx V(x - xx)}$ ; sed jam ostensum

est  $\int dx \sqrt{x - xx}$  dare aream circuli diametri 1, quare in serie  $1 + 1 \cdot 2 + 1 \cdot 2 \cdot 3 + 1 \cdot 2 \cdot 3 \cdot 4 + \dots$  etc. terminus cuius index est  $\frac{1}{2}$  aequalis est radici quadratae ex circulo cuius diameter est 1. Cum igitur  $\int dx (-lx)^n$  sit terminus generalis, seu terminus ordine  $n$  hujus seriei, habeo  $\int dx (-lx)^n = 1 \cdot 2 \cdot 3 \dots n$ , quod in serierum hanc includentium terminis generalibus inveniendis magni est momenti. Nec minus hoc

$$m \cdot \overline{m+1} \cdot \overline{m+2} \dots \overline{m+n} = \frac{\int dx (-lx)^{m+n}}{\int dx (-lx)^{m-1}}. \text{ Maxime universale et latissime patens est hoc theorema}$$

$$(f+g)(f+2g)(f+3g)\dots(f+ng) = \frac{g^{n+1} \int dx (-lx)^n}{(f+(n+1)g) \int x^f g dx (1-x)^n}$$

unde facile fluit hoc:

$$\frac{(f+g)(f+2g)\dots(f+ng)}{(h+k)(h+2k)\dots(h+nk)} = \frac{g^{n+1}(h+(n+1)k) \int x^{h+k} dx (1-x)^n}{k^{n+1}(f+(n+1)g) \int x^{f+g} dx (1-x)^n}$$

Ex hoc theoremate facile est invenire omnium hujusmodi serierum, quarum termini sunt facta, in quae ingrediuntur quantitates in arithmeticis progressionibus progredientes, terminos generales. Ut proposita sit haec progressio, de qua nuper mentionem feci,  $\frac{1}{2} + \frac{2 \cdot 4}{3 \cdot 5} + \frac{3 \cdot 6 \cdot 9}{4 \cdot 7 \cdot 10} + \dots$  etc.

Hujus terminus ordine  $n$  est

$$\frac{n \cdot 2n \cdot 3n \dots nn}{(n+1)(2n+1)(3n+1)\dots(nn+1)}.$$

Hunc comparo cum

$$\frac{(f+g)(f+2g)(f+3g)\dots(f+ng)}{(h+k)(h+2k)(h+3k)\dots(h+nk)}$$

quae formula ut in illam transmutetur, oportet sit  $f=0$ ,  $g=n$  et  $h=1$ ,  $k=n$ . His valoribus substitutis prodit

$$\frac{n \cdot 2n \cdot 3n \dots nn}{(n+1)(2n+1)(3n+1)\dots(nn+1)} = \frac{(1+n+nn) \int x^{\frac{1}{n}} dx (1-x)^n}{(nn+n) \int x^n dx (1-x)^n}$$

id quod est terminus generalis progressionis propositae. Est autem  $dx (1-x)^n$  integrabile, integrale enim est  $C - \frac{(1-x)^{n+1}}{n+1}$ . Constans  $C$  debet esse  $= \frac{1}{n+1}$ , ut posito  $x=0$ , totum evanescat. Ponatur nunc  $x=1$ , ut principio monui, prodibit  $C$  seu  $\frac{1}{n+1}$ , est igitur  $(nn+n) \int x^{\frac{1}{n}} dx (1-x)^n = n$ , et ideo terminus generalis seriei propositae hanc habet formam

$$\left(\frac{1+n+nn}{n}\right) \int x^{\frac{1}{n}} dx (1-x)^n.$$

Sit  $n=3$ , ut terminus tertius  $\frac{3 \cdot 6 \cdot 9}{4 \cdot 7 \cdot 10}$  prodeat; habebitur

$$\frac{13}{3} \int x^{\frac{1}{3}} dx (1-x)^5 = \frac{13}{4} x^{\frac{4}{3}} - \frac{39}{7} x^{\frac{7}{3}} + \frac{39}{10} x^{\frac{10}{3}} - x^{\frac{13}{3}},$$

ponatur  $x=1$ , habebitur  $\frac{13}{4} - \frac{39}{7} + \frac{39}{10} - 1 = \frac{162}{280} =$  termino tertio. Quaero terminum ordine  $\frac{1}{2}$ ; fiat ergo  $n=\frac{1}{2}$ , habebitur

$$\frac{7}{2} \int x x dx (1-x)^{\frac{1}{2}} = C - \frac{3}{7} (1-x)^{\frac{3}{2}} + \frac{14}{5} (1-x)^{\frac{5}{2}} - (1-x)^{\frac{7}{2}}.$$

Ergo  $C$  est  $= \frac{7}{3} - \frac{14}{5} + 1$ . Ponatur  $x=1$ , restabit solum  $C$ , seu  $\frac{7}{3} - \frac{14}{5} + 1 = \frac{8}{15}$ . Algebraice ergo hic terminus ordine  $\frac{1}{2}$  dari potest, nec non ii, quorum indices sunt  $\frac{1}{3}, \frac{1}{4}, \frac{1}{5}$  etc. omnes numeris exprimi possunt; qui autem quanti sint, alio modo vix fortasse inveniri posset. Hic autem observo hunc terminum ordine  $\frac{1}{2}$  aequalem esse termino ordine 2, et generaliter terminus ordine  $\frac{1}{n}$  aequalis est termino ordine  $n$ . Haec fere constituunt unum genus progressionum, ad quod mea methodus deduxit; multa quoque ejus ope in seriebus summandis detexi, et praecipue terminis summatoriis inve-

niendis omnium earum progressionum, in quarum terminis generalibus exponens vel index in denominatorem ingreditur, ut in progressionе harmonica. Sed de his alio tempore, si placuerit, scripturus sum.

Nihil prorsus invenire potui, quod ad Fermatianam observationem spectaret. Sed nondum prorsus persuasus sum, quomodo sola inductione id inferre legitime potuerit, cum certus sim ipsum numeris in formula  $2^x$  loco  $x$  substituendis nec ad senarium quidem pervenisse. — Haec igitur benevolе accipias enixe rogo et favere pergas, Vir Celeberrime, Tibi obstrictissimo

Eulerо.



## LETTRE IV.

G O L D B A C H à E U L E R.

SOMMAIRE. Sur la méthode d'Euler pour trouver les termes généraux des suites. Sur le théorème de Fermat.

Moscuae 22 Maii 1750.

Egregia Teque auctore digna judico quae secundis litteris mecum de terminis generalibus serierum communicasti; hoc tantum in methodo Tua cavendum mihi videtur, ne assumta integralis  $\int P dx$  utrovis modo, hoc est, tam posita  $x=0$ , quam posita  $x=1$ , in nihilum abeat. Deinde sponte moneo, terminum generalem seriei  $\frac{1}{2} + \frac{2 \cdot 4}{3 \cdot 5} + \frac{3 \cdot 6 \cdot 9}{4 \cdot 7 \cdot 10} + \text{etc.}$ , quem pro exponentibus non integris dederam, non quadrare, fatendum tamen est terminum generalem ejusmodi

$$\frac{2n+3}{2} \int dx (1-x)^n \sqrt[n]{x},$$

ut intelligibilis fiat in seriem infinitam consueto more resolvi

\*